

黃鵠山人詩初鈔

黃鵠山人詩初鈔卷十五

閔縣 林壽圖 歐齋

古今體詩七十三首

白陽山人水仙扇面

戊辰

一笑大江橫綠淨不可唾恍刺嚴灘舟出水月初破

雪滄將赴試春官余囑秦子衡通守

毓麟

寫曲江春

讌圖題贈

古者長安與日遠君今近日遠長安荆雞恥用伏卵力翾
鳳自刷朝陽翰新豐酒美莫索醉飲之恐卽趨邯鄲韋杜
去天僅尺五萬花如海春所攢鶯啼蝶怨勸小住野水初

放青漫漫試登塔頂望江曲晴旭墮鏡探金丸沙邊文禽
盡驚鶴煙際珍木皆琅玕持歸上國貢苑囿暖氣足壓金
鰲寒君愁秦川春色載不去問我何術馱雕鞍縮取溪山
奪魚鳥快哉淮海下筆不作難追蹤神龍千載宴寫此粟
繭浩蕩一紙寬中間留石縫題名補鑱刊 天子待君
飲重碧樓閣先入亦可歡慈恩他日元憶白排馬催去勞
中官

人日集歐齋觀石溪山水障送雪滄硯劬赴試分得
草字

東風吹綠纔幾日鬆屏秀擷瀛洲草上有五雲縹緲之樓

閣載以六鼇蹴踏之搖島眾仙高驂鸞鶴駕孤臣久乘關
山道六年隴鳥笑相輕一幅海牛春絕好頭陀風月僧氣
多何由手削上林橐山間三晉盡北向雲出九邊轉西把
當其咫尺有萬里不數關全與荆浩世無杜陵大手筆汝
與何郎風格老酒酣爲布蓬瀛圖吾君聖人宅豐鎬
大闢文罔張禮羅麟鳳在郊必蒐討問塗以我爲老馬天
衢如棋可覆考君不見髡殘意討閭闔間筆陣千軍恣橫
掃離堂讀畫且盡觴花影鞭絲指城堡

送陳同叔刑部還京並赴禮部試題其蒼茫獨立圖

卷

厭向塵埃插雙腳心追洪濛眼寥廓片帆如葉黏碧空吹
送不用牛馬風灝然元氣運眞宰看日西往月昇東高山
流水成孤賞世有知音識可曠三年共食青門瓜知爾地
僻心自遐白雲勸酒坐藉草紅燭評詩燈落花夜夢浮漚
天萬里扁舟欲指斗牛艤天門詖蕩開九重四無人聲獨
色喜下士蒼蠅滿世間矯首大笑青冥寬胸吞何止九雲
夢目引已近三神山約君身到蓬萊日海榴正丹開我顏
不化鳬鷺逐伴去後夜思君入畫處渟沱春水橫煙樹

春暮遣懷八首

偏側邊關道文章負國深煙塵當俶擾歲月易侵尋頗

牧需持節孫吳競用心未便弓馬事掩卷自沈吟

三輔久蕭瑟春光歸柳營
燃鞭鳴楚竹奏伎雜秦箏
觀壁諸侯懦登壇眾將驚
遙知賢貢禹薦挾與恩榮

憶失丸泥險潼關東望開國塲
三戶盡野哭二陵哀房琯
安虛譽哥舒誤將才獨憐衰杜老
罷舉曲江盃

自發征南卒妨耕甲未銷
野荒搜苜蓿山秃斷薪樵
猶轉千箱粟頻炊萬帳刁
東風不與便往事恨冰橋

節鉞分疆寄戎旃早致身坐圍
談虎客冠聳沐猴人冰雪
迴邊色風雷動騎塵
廟堂資魏絳畫策畫麒麟

詔固河西守遙聯隴右兵
可能休戍卒與定受降城
地不

三秦足功終一戰成雜耕居渭畔疑望武鄉營

漢壘尋遺跡連屯灞棘軍棋枰爭布角樗局喝成文閒道
焉深入元機信絕羣麥畦正將熟漫與賊平分

事會艱危日謀身易見幾所嗟供祖帳未盡脫戎衣朝市
難中隱星辰望少微無言對桃李六度惜芳菲

題羅兩峰鍾馗嫁妹圖

鬼冠高峨鬼髻委前與後與鬼載鬼前鬼回頭後鬼尾坐
者悲愉欣戚各肖離合情走者或趑趄卻步或踉蹌旁行
或手挈肩挑背負枕衾匳榼靡不精或鬼嬰旋舞或鬼貓
跳趯雜遝相呶嚶想鬼兄落魄攜家立四壁琴劍外惟挾

書策

見沈石田畫
鍾馗移家圖

或釀鬼錢辦粧飾妹也從隱終南萬鬼

叫嘯之荒山衣薜荔帶女蘿安得臙脂助顏色荆釵裙布
慣居貧不知夫壻屬何人但見青廬皂繖祇有資送無親
迎世情歆羨婚嫁樂別意誰憐骨肉眞顧語鬼奴足勿緩
儋介酒漿羅已滿分汝餘瀝啖汝嚮華筵兄醉別妹歸鬼
賓鬼主閑然散長夜漫漫猶未旦

寄琴西京師

幾載關河入夢頻束裝聞踏輦紅塵不能相見應相念
鞞鼓聲中白髮新

扇子湖邊攸酒家碧筒曾共折荷花重遊髣髴孟元老回

首東京閱夢華

過灋橋

不知門巷屬誰家
斜日涓流獨駐車
灋水橋西開逕處
春風枳殼徧開花

憶舊三首

苑園流水繞銀河
記得宮牆振箠歌
別駕久遷供奉老
貞元朝士亦無多

珠勒金羈從武皇
十年詞賦在長楊
仙人掌上丹霄露
未折銅盤輒拜嘗

分明夜夢見離宮
春盡鶯啼檢落紅
鸚鵡銜恩獨西放
隴

雲無際月朦朧

題呂曼叔藏沈石田雲裏帝城雙鳳闕雨中春樹萬
人家詩意圖

夜看斗挂觚棱鳳五雲樓閣岌飛動孤臣策蹇欲朝天曉
角墮牀乃殘夢耳傾猶響路寢鐘郊雉齊鳴設鍾簫鳳皇
高翳渺屑穹博勞單棲困車驅何處堯階望濟蹕但見秦
川蹙頽洞漢京追賦恨無才賈至早朝斷吟諷日下故人
書不到景物無由快目縱

陳同叔寄口下
舊聞考未至

春色迴瞻上

苑花亂愁藉濯中山甕君來慰我魏闕思展視皇州

勢該綜太行蜿蜒探首來桑乾繚繞抱腰控山村水市眾

木攢樹杪遙闌插飛棟蓬萊可仰不可近漠漠鑪煙籠霧
淞雞鳴綺陌秀碾塵大宿茆檐意噤凍摩詰詩中紫塞縈
石田筆底春寒重宏治戊午三月望墨暈淋漓溼帷帳政
恐輞川未逼真更師董源相傲弄燕都王氣鬱佳哉狹小
汴梁跨趙宋幽并究冀山河古遼金元明人代送長白

真人東入關撫馭六合包三統中興繼體宅神皋憶
昔拾遺備侍從天逵暮蹋微雨歸午門車息殷雷聞一
尊閒眺龍虎岡廿年慣啜牛羊漣邇來聽鼓走長安不復
簪毫從上雍漢宮唐殿埋劫灰白閣黃山積昏霧流亡滿
地監門圖黠黠仰天少陵慟自悲荆棘寡西笑難致葡萄

修北貢側聞

二聖垂簾治盛有千官駟騶哄迢迢

輦道記能詳落落酒徒飲誰痛往躅俄成隔世因仙班
待獻昇平頌不忍重觀還付君韋杜城南懶獨腔

校呂紫微集效其體贈曼叔

山能石爛海能枯萬劫難灰主客圖苦愛安禪求眼法到
頭誰造聖工夫

涪翁流派未湮埋魚虎年深帝魯猜吸盡西江休轉黃
河合眼再跳來

密庵眞髓得南能異代文孫契上乘解說喚茶看香火是
爲我佛是爲僧

饑民歎

東門閉饑民往復來秋霖未種春水災太華神靈不汝哀
渭南渭北聯蒿萊西門啟饑民仆且起幽谷涇原極千里
半遭賊死半兵死存者瞻烏屋誰止關隴一家皆赤子出
城裹足愁西東北門地與腳坊通苦兵奪食甚苦賊填委
溝壑飛沙蓬北門甫入南門閉城外磬鴻徧郊隧山空餓
士有翳桑年荒寡婦無遺穗夫攜妻母挈兒以手指口淚
注頤走向行營訴大帥帥止勿前麾令退且輦我糧飽我
兵待墾汝荒活汝輩飢無所控民涕洟承宣使者心摧悲
爾之休祿民膏脂責無旁貸在有司敝我四門民來勿遲

朝斯夕斯餽粥斯吾聞花門以殺戮爲耕作攫人之肉脯
有糜得生已腴皮與骨忍復加梳篦汝不死賊終死饑乃
知兵者聖王不得已而用之

題潘綱齋母鄭孀人琴雨軒詩鈔

近與賢郎處欣聞令母慈下牀頻答拜捲幔眾稱師故里
殘山夢遶城戰鼓悲教家通教國端本二南詩

送曼叔乞假歸常州

海澗混龍鰕山維產珉石懸壁今古闕駭鱗日夜麗百金
購良弩冀遇甘與逢朝聞收杞梓暮報投株椿騏驎困斃
躡蟻蛭陵崆峒雷霆貫胸腹百怪自殫辭世不識鉅鐘枉

出寸莛撞風塵物色久推亮我居龐三輔問騎竹十年閱
擁幢覆巢託完卵按戶消吠龍論事漲溟渤納漢亦吞江
獲寶恥私握將詣貢上邦萬牛力共挽九鼎誓與扛相資
左右足履險立踣躩士元容得半吾邱固少雙嗜好情殊
俗羊豕辱同腔好道服荷芟臨分索蘭缸退衙憶折簡下
箔對燒釭咀嚼齏百甕拍浮醺千缸措置在借箸酬酢如
交鏹醉輒隱几笑旁任側席腔謂可奠磐石安用浮煙簍
心期忽悠謬嘲謔來亂噉放籠慕隴鳥欹枕夢吳艘淮南
魚易釣陽羨田易稷子歸計良得出峽脫驚瀧留者譬都
盧度索懷尋樅同袍豈無侶行義寡信慙危顛失扶持紕

妄增桌慢勿伏聽颺運重惠足音登

憶昔行

走馬西來幾開府憶昔登壇建旗鼓將軍宗正視茲侯安
劉之子兵各主棘門霸上見戲耳樹壘雖多可襲擄亞夫
細柳最堂堂吏士持滿設弓弩備胡未久悵移師宮保左
征北征孤憤據臣甫余策揜必踏冰北竄請於北山口築
揜燕山雪花大於席圍左公未納揜竟由此逸去驚擾繼 璽書再三相勞苦奔壁不驚取

堅卧但遣積當絕糧糈頴陰少年被甲前裹瘡請戰亦可

取間陳國瑞主戰諸善爲太尉謀敝吳坐待睢陽力限楚

監軍聞拜寶王孫散金進賢整部伍遂使盈廷向魏其甘

自畫清老項羽漢家需才優武爵會見功成進茅土關中
地揜天下亢六郡良家奮材武往者輓輅來褐衣何意黃
閭碎莫補怕逢父老說亂離急盼王臣託心膂游魂未收
釜底魚困獸遽逸柙中虎封侯以屬妾校尉賓客厠養皆
俊侶頭會箕斂祖周官東向坐責儒生腐誰其薦者魏無
知金多奚恤諸將語尾生孝已不宜今彼曾無益勝敗數
問君所當賊幾何悵巧如狙黠如虎溯從聽狐跡兩河慘
見嗷鴻塞三輔出出爾氓緩勿死元戎返旆會活汝

閏四月十三日邀曼叔集歐齋爲謝蔚青觀察補作
生日曼叔蔚青妹婿也

我官於秦今幾時再逢蓂莢報期信扶持危顛賴友賢撫
問瘡痍痛民病先遽伯玉知昨非春鴈成蛾絲向盡蒲柳
望秋葉欲零松筠挺秀節誰勁始興郡裔老鶴姿六十平
頭霜未鬢紀星早厯天二周身閱四朝見全盛南極老

人應壽昌杯對南山起勸進
答言北斗會兩辰分餉天漿

揭其柄笙匏合樂不獨奏蘊桂同芼始適性君家豫章我

閩嶠我生道光君嘉慶論交迴首倏再世

同榜 閱歲歸助差一閏君生五閱閏四月廉吏今追楚相
進士 閱歲歸助差一閏余生四閱閏四月廉吏今追楚相

貧門生昔幾歐陽騰東萊呂子同年輩南陽謝公舊姻親

用山谷外舅先人筮仕值中朝絃歌不聞笳鼓競各留治
謝師厚詩意

譜教兒曹惟望賡颺事 堯舜忠孝傳家澤未涇艱虞濟
世官難稱幽懷抑鬱歌慨慷共舉酒兵破愁陣看君恭默
獨溫克形我疏狂未莊敬乃知佛證壽無量不外聖言仁
者靜白駒過隙未蹉跎黃楊遇厄彌堅勁頗聞蒼生屬安
石建節連城資坐鎮不材祇合投劾歸莫待衰殘杖叩脛

楊龍友竹廬

開門盡見秣陵秋樹色巖光几案浮風雨漂搖龍種在殘
山一角話揚州

常珂雪松溪雪景

趁潮莫放酒舫迴雪片黏天盡日催一路蓬牕扣訪戴

風笑共故人來

查二瞻山水

松火風爐手自煎
半房山色入秋妍
秋心正在無尋處
真葉蕭蕭墮我前

吳梅村清溪漁隱

移舫沽酒笑相親
山月溪風餉主賓
聞道桃源更幽阻
攜家須訪避秦人

張庚仿黃鶴山樵山水

廬霍久不到卧遊
今再逢幽棲已絕壁
前進更何峯樹補
積雲缺煙深疊石
濃因君叉手讀便欲往扶筇

過某君池館聞蛙

雨後活東初上時新聲兩部奏絃絲許多恩怨論兒女此地官蛙許問私

寄聽菴

鷓鴣不受腐鼠嚇噉然斂翼青冥翔風香可鼻忍爾腹愼勿鱗介同腥臊重魚輕鳥本楚俗天寒漁父急網操鴻飛不高且誤罹黃雀眇小更難逃爾自矯矯鸞鳳曹東海之水養羽毛避風我豈國門鳥眩視鐘鼓聞噉嘈

懷許海秋起居

筆札子雲舌君卿交驩五侯驕向人廿年陽瘡百僚底恥

賣詞賦薄千金車馬何堪子將見達官冠帶無送迎長持
角弓衿衣服栽花滿籬把酒傾寒燈到門倏成想深巷造
屐虛結鄰南山積雪照衰態坐慢柿附棄路塵未怪銀鞍
少年子追攀驥尾飛青繩田實賓客君所見亡羊亡穀誰
重輕

觀張洽摹許道甯積雪

吮君鏤玉管融出春雪汁翻硯作峯巒片片白雲溼松牕
夜還明似有皎月色蛾眉天際來山陰晴後入青冥惟煙
樹蒼寒盡水壁笙鐘百谷暗龍蛭萬木蟄長夏如初冬能
轉造化力了知結廬士裘褐午猶襲醉許昔踏門索酒飲

巾幘指腕生春風
虛白隨所集
舊稿若詩成
崢嶸左右立
滿堂動色歡
我亦揮毫急

雨夜贈謝枚如中書

章鉉

濁酒不成歡
寒燈對誰語
蕭蕭滿長安
葉落更風雨

題陽湖女史張婉紉詩後

女史張翰風女皋文猶女仲遠女兄嫁同邑孫某

早嫠

諸父文章漢兩京
弟昆六代並蜚聲
班書能續尤豪健
左謝女郎羞抗行

閨闈哦詩兩鬢皤
思無邪外不須多
男兒爭釋蟲魚字
虛

牡黃金浪擲過

采荼知苦桂知辛亂後存孤老益貧猶有高槐耐風雨百年長守未亡人

武昌城外江水深黃鶴欲騎不可尋君莫浮湘更弔屈月

明聽搗衣窰碓

曼叔與仲遠如連將訪女史於武昌

贈董硯樵觀察三十韻

小聚不如別今愁重昔愁衰積兵後感結轡古來憂帶甲
關河滿飄蓬歲月迢崎嘔歷炎暑蕭颯倏金秋暫挽風塵
駕追歡京洛遊眷言懷稷契清望軼嚴鄒盛有中興業難
爲造次謀匡衡頻抗疏朱异與鳴騶契託文章合交徵道

義求相期兼吏隱豈謂傲王侯邊徼遭紛擾虛名誤採收
東門勞祖餞西笑任沈浮元老誰黃髮孤臣竟白頭竄身
在荊棘極目盡瘡痍自審逢時拙常思濟世儔華堂棲燕
雀遠道騁驂騑政府羅羣彥翰林第一流仙才知有謫造
物忍相讐未達崆峒節同看太華旒交綬悲隴水對酒話
涼州太息鳳麟遠翻疑豺虎投百年剛阨運幾面卽顛叟
倚馬聲華著鳴駝部落稠憐君臨渭樹恍我出蘆溝欸曲
非傾蓋留連且置郵烏蛇盤陣壘蟻蝨積鞬鋏王者師無
戰民生活苟偷亂離輕去住老大罄綢繆烽燧紆迴轡軍
儲試借籌儻能銷戟鍛約爾狎沙鷗

雜言答客

肘懸金印腰懸玉牛羊量谷珠量斛後房桃李豔若仙庭
階芝蘭森在目不愁富貴賒但愁年命促日者昨登堂面
許出入將相五十年壽百二十歎不足賓客拍手笑主翁
眉勿蹙我相君家骨格俱非凡拔宅應證玉宸班燒鉛鍊
汞補龍虎聽之娓娓舒心顏詔書忽有使門到廷尉騎珊
瑚七尺八九株悔不盡付鐵如意徘徊秦市東憶搢牛衣
淚古有刀兵尸解是耶非空以印綬繫若爲絆韉投分累
石友哀吟白首同所歸空山一士秋風四壁錦衾不如草
薦菜味甘於肉食客有乘軒載幣而勒駕者與醉樽中之

餘瀝豈無布衣可傲王侯亦有醜婦堪與白頭讀書萬卷
俯仰千秋敬領先生之雅意請返轡以歸休

鄉人談鯉湖祈夢甚驗戲報以詩

至人明覺義眾生好夢思邯鄲得道士授枕警愚癡九仙
殆匹侶夜霧催晨曦閭俗昧神意敬首問祥機終日夢驚
中本無醒覺期夢後更徵夢人事役天機黃帝華胥遊莊
生蝴蝶飛輪馬御笛台語小收床帷由凡得證仙譬夢遇
覺時湖水轉九淙浩蕩醺神奇插漢蓬萊石西向峙靈祠
轉厯隸嶺驛下受榆溪支騎鯉去不返跨鶴杳誰嬉合眼
昔頻到巖岫呈春姿是覺乃非夢妙解通元微寄謝謁仙

者我夢不須祈

爲方元仲觀察題王麓臺山水墨幅

司農畫派奉常出馳譽丹青早承直

至尊動容憑

几觀門生布紙退朝立發端混侖收破碎淡赭簾黃化無
迹渲染獨深大癡法鉤勒晚用仲圭墨惜因應 詔

謝友朋輒以濡毫屬賓客楊西亭貌王耕煙辨得印章獲
拱壁君從何處購此幅懸崖老樹盤齋壁恍見盤礴親解
衣運金剛杵貫手畢似秋非秋露零葉欲墮不墮雲崩石
茆屋惟容我輩住老於達官何由入司農意到身未到天
機妙不關人力君諳六法自珍秘勿輕示人目贗筆

寄秋航上人

問師鶴算幾春秋但坐蒲團到白頭
滿院松陰閒布卦已知門外水西流

涇渭行

君不見湜湜濁流亂爲漸君不見蕩蕩涇水淪其泥
泥多蠅鬲得游息水清難養鮒與鯢關中八水此
兩大旁睨灞滻猶涪蹄惜不獨清甘混濁謬比江海
容山谿往者可鑒物妍媸今弗自照君鬚眉縹絲須
白底須黑再入三入成黝黧幽深冥府秘莫窺世
無太真過燃犀謂爲秦利宜鋤犁烏虜犁之鋤之
防決隄

得同年何小宋方伯手札

千里起居候寒暄禱祝除授霑新 恩塵堆案頭月成束
朱牋細字使眼昏浮雲於我亦何有病鶴落翻樓籠樊淮
南山中倘問訊定指桂樹譌食言本無儲力懶作答敢以
泛愛蒙相存鄂州使君隔江漢黃樓赤壁春酒溫孫曹勝
負送流水羣公決策收中原建藩持節且開府列侯守相
趨囊韉人道使君方佩黻義在車笠盟所敦數年無書不
爲憫一日十紙墨注益呼奴秉燭再三讀將斜更整識手
痕楚水黿鼉波浪靜荒村豺虎窟穴屯曉城初憶驪駒別
燕市獨留馬蹏折土牛落後弗任鞭前者干花引杖節西

南共飛烽火塵際會早致風雲身絳侯魏其竝抗禮何武

陳蕃聞最親

君爲湘鄉台肥所引重書來盛稱陳心泉觀察

山光漠漠黃鵠遠草

色青青鸚鵡新哀歌辱念杜陵叟異時弗慚嚴武賓澗槃

古宜枯槁士

時余將乞思歸養

鐘鼎天屬英豪人上函子公況已

晚下筆陶侃嗟有神邊聲肅殺笳鼓競三月未暖冰雪盛

吹絲上鏡追昔顏桃李紅白肉曾映如今養馬怯黃門欲

陳守寒復坐病首陽拙否柳下工使君勿厭更端請

同年閻丹初中丞

敬銘

隱居中條寄慕槐仰梧書屋

橫卷索題已已

中條連太華山古隱喬木渡河思歸休滄桑閭老屋

屋爲公先

世所居今毀祖硯篋未舫父楹書可讀追憶釣遊年寄此風雨
躅遺澤曰先人美蔭及邦族愧悟猶存蔚然粉榆望蒼秀宛在
目公挺華棟姿能支大厦覆秦岱仰與高培塿俯盡伏
朝命方再徵巖居未應獨且措四海安遲計數椽築策名
我忝同散材天不屬故園尋做廬行當理松菊

王石谷臨唐宋元人畫冊

葉隕不可風寒氣逼人落模糊水與天中透若外縛凍冰
膠短籬禿樹兀飛閣恍入華子岡歲晚專溪壑王右丞溪林雪閣
峻坂今古盤伏濟日夜灌詎曾遊百泉妙盡九州半疊石
壘關門移山溼几案老驥望之驚千載鹽車歎關全太行山色

巴江折字流巴舡出箭疾灘怒雷轉鬪帆勁風迴勒西上

挽使東溟渤漲筆力盼到平如油雪髮不勝幘

董仲翔江帆出峽

白鷗萬里興微茫含寸尺遠近送青蒼一九委金橘岸低

放山高江濶逼天窄持問蘇子瞻何如都尉筆

王晉卿峴江疊嶂

滿眼秦時花空山放流水扁舟昔者漁先我身到此右丞

入輞川陶令歸栗里桑滄紛涕淚空憐趙承旨

趙子昂桃源

怒龍發奇癢奮爪攫怪石雲氣撲衣裳暈出天水碧舊約

盟山靈苦吟結太客游絲風不斷萬古罨蘿薜

趙子昂松風嵐翠

萬笏欲插天側出煙一掃娟秀擢春月列眉不盈桴米家

化墨痕郭李愁絕倒屋衣覆茆松獨居類有道

高房山橫空黛色

富春夏如秋熱客不遑駕酷愛木千章午曦出巖罅高峯
壓晨夢顛倒松蓋下解甲哦清風幾日幽蟲化

黃一峯
夏山

阿難持鉢畫像

佛在梵釋大龍天眾香托鉢供大千合掌惟示優曇禪頭
陀苦行學不至弄鬼弄神恣遊戲突兀天魔助其臂哆然
張口江可吞一盃語大藏乾坤造化攝出小兒魂大庾嶺
頭提不起卻被阿難捉手裏出入火宅拔生死我聞具足
七佛儀久能聚鍼如食糜種種幻相嘆作善心不
撲破聽闍梨鐘作功課請添童子吹簫坐

塞下曲

元戎坐擁受降城壯士猶驅宛馬行寄語懸軍漫深入捷
書已上首功名

天遣黃河界黑山窮邊多事拓三關璽書屢問翁孫策老
守湟中未擬還

江南詞

司馬樓舡控上游秦淮無恙水安流空思躡看金山寺老
鸛河淤不可求

市舶年來賤且多舊時蠶女罷投梭桑田變後栽畧粟機
局傳宣織綺羅

漢宮詞

武帳旌旗霄漢閒
昆明錦纈帶滌河
水嬉初罷鳴箏管
齊獻南山壽一杯

太乙頻年設羽旗
雲車隨蹕勢交馳
柏梁娣姒能言語
勝與姍姍望隔帷

七夕清齋候降眞
阿環阿母許相親
窺牕不獨偷桃朔
淚溼長門買賦人

遣懷重上射蛟臺
花仗迎春夾道開
收得河間青紫氣
東巡宮輦報西回

侍奉猶聞浥露盤
未央無奈月輪寒
君王貪作神仙去
玉仗金箱不忍看

歎竹間牡丹晚花

牡丹花後百花開
掩映籬落人驚猜
宜春苑囿舊移植
老夫慰汝酒一杯
此君瀟灑殊絕俗
衛之如葵恐傷足
不沾雨露空爾爲
瘦卻腰圍媚幽獨

高將軍歌

帳下健兒倉卒起
汝不我生我汝死
可憐楚粵百戰身
奉行帥府書一紙
推心置腹古何人
未去肘掖傷臂指
前日過我貌堂堂
奮袂誓欲清河隍
此才亦是邦之良
魚腸進酒燭未半
漫漫長夜無時旦
一生憂憤語葛君
綸巾羽扇

爲殺我高將軍

莫相猜行

鯢化大鵬搏羽翼九萬扶搖杳安極鸛鳩自搶榆枋閒盍
謀圖南其憩息楚騁黃金門到騶館婦弗顧調莊周戰爭
擾擾蟻同穴將相纍纍貉聚邱妻堪白頭歸不惡母自早
嫠志藜藿北山王事效驅馳今者民粗室家樂桃花李花
池館閒松柏輪囷縱故壑枝柯未要人攀扶纔免斧斤向
寂寞漢家盛業再光武高坐雲臺論謀畧大澤男子一羊
裘不擬姓名辱求索再及鹿門龐德公看盡龍顛與鳳落
草木枯苑會有時況我散材得天薄冥冥飛者天去來華
堂燕雀莫相猜

送譚

玉龍

提督喪歸

死敵何如昔死饑雨中援絕陷重圍故人不得青雲力壯
士祇今白骨歸迴首謗書存滿篋傷心戰血看濺衣頭顱
躍馬驚西賊生氣猶能紙上飛以步卒千五百人當賊驕
二萬被圍三日求援不遣
天大風雨銃礮皆盡自知必死語裨將曰往以若曹饑幾
受叛名不死何以酬知已將死脫身上衣授其弟副將王
岷遺速去曰持歸報林方伯吾死矣賊酋崔三斫其頭挾
以行數十里頭躍起賊驚墮馬遂棄去部下卒尾賊及之
與屍合殮事皆奏疏
所未及補記以詩

得子儁漢江書遲聽巷至將返浙川余亦受代矣以
報銷未竣留寓西安寄答子儁

靈草委叢榛攀援匪蘿葛鱗鬣習江湖陸處謝濡沫十年

事戎旃志豈希薦達秦炙工啖人羶膏勞贈割甚博武鄉
名不療文園渴拂衣遠行意念遠增心怛忠孝報君親進
退審本末卧壑并告藏出囊穎愧脫仗劍初入關羗夷誓
共撻手中有輔檠端可正弧刺原嘗信陵交爭士隱傾奪
艾封忽霑襟肝膽分胡越射者伏其機未發先省括慨想
馬少游阜樾歸飼秣吳楚水吞天匹練橫坤抃待渡峯扁
舟意境何壯濶江潮通海溼閩嶺插箭筈郵程所必經云
胡滯冠褐隸首操奇贏三五困拾掇寄語張季鷹愁懷將
面豁

黃鵠山人詩初鈔卷十六

閩縣 林壽圖

古今體詩六十五首

當君子有所思

已巳

南山跨潢漢迤邐開秦川咸京據渭水富麗成天然舊是
帝王居盛有文物妍田寶戚里貴衛霍將相權賜分天府
第慣用水衡錢尙主役公卿結俠走才賢倚恃勳與舊天
子同萬年延暉夕晷後畢歡殘漏前海枯魚龍腐風高燕
雀顛久晴天易陰既望月爲弦子雲悟投閑垂老耆太元
不如淮南王棄爵修故仙

當飲馬長城窟

築城兼築骨骨並城排突陳者舉杵徒新是荷戈卒明知
絕生理無計辭調撥奮身訣親隣結念讐胡羯前塵望後
塵百戰標孤碣後馬逐前馬萬蹏攢一窟迢遞秦邊牆蒼
茫漢家月斧冰煮作糜枕雪櫛成髮將軍向雅歌伏弩機
不發欲哭恐城摧但祝旄頭沒

和詠昆明池

樓船治水與天通孝武君臣善鑿空寄語夜郎休自大至
今漢將尙英雄

和詠五丈原

漢家數盡建興年
壁壘空橫渭水前
異代頻揮鐵如意
不知青史定誰賢

華清宮

宮鳥猶呼阿監堆
驪山烽火土成灰
裏瘡鐵甲生蟣蝨
解向溫泉洗滌來

灊橋

丙寅十二月澆水之戰
官軍殲者二千餘人
余爲捐金穴塚於此

水聲嗚咽結愁雲
兒戲當年灊上軍
種得白楊憐死別
斜陽繫馬倍銷魂

曼叔青山載石圖

歐趙不可作秦漢淪金石瓴甃趨勦閒時見虞褚筆風塵
未蒙物色賞麒麟鳳皇在藪澤君才夏商之鼎彝嗜好與
眾殊肝脾黃巢劫火拾餘燼光怪夜夜發書帷行藏吾與
爾歸隱用自攜黃金白璧不解取道上擔夫竊私語遺愛
空鐫萬口碑纍纍苦饑豈堪煮拙宦誠知作計疏安忍棄
擲十年餘誓將同返先人廬有山可樵水可漁不問淮南
米何如漢陰抱甕且汲菜米家滿舡惟載書嗟君宦味誠
不惡但恐難堅猿鶴約君不見 天子優詔徵入關須
再往勒燕然還南山磐石尚可轉出處如雲看舒卷

金華洞

在終南山

踳煙裂天門，胃雲布地慢。
蹊蹻括靈湫，亂峰攢几案。
烈風飄其上，初日遞及半。
鐵瓦欲傾頽，鴟吻長悲喚。
嘗聞秋水積，懸望渺河漢。
巖竇春融和，華谷眾花粲。
竅外面洞中，泉孔常出漫。
燈龕獨光明，陽采取陰鍛。
受跗籐蔓承，礙首松枝貫。
嗟無五里程，登降逼昏肝。

韋曲

曾倚椒房寵，莊連第五橋。
廢泉猶飲馬，細路有肩樵。
密柳添新葉，柔桑老舊條。
君恩容放逸，異代縱逍遙。

過杜牧之葬處

詩名萬古一鴻毛
門第徒聞將相高
添得司勳搖落感
山原開盡小緋桃

四皓村

落日澹孤村
水聲流向晚
安劉自有人
採芝去不返

鴻固原秦愍公葬處

芝草萋萋綠
王孫非昔年
鬪雞辭趙邸
飛燕下藍田
空有望思賦
長爲幽獨眠
生兒笑隋玉
龍種總堪憐

乾湫

蜿蜒避深山
掉頭不復出
詎忘霖雨心
養性貞泉石

入竹谷

暑行不張蓋午暍背沃漿外灼忍須臾內熱我久忘僮僕
望谷趨麇麇速走藏兩崖面東西一澗盤中腸下淪功德
水旁薰知見香檜柏妙有意向風招人涼眾綠倏倒影搖
蕩天滄浪已出塵壙外立腳判牢強浮雲儻來物敢爾拂
衣裳棄去誓深入履險猶康莊

暮投大悲堂

東踰紫荊溝松鼠竄陰磴積雲忽西斂眾壑一時暝鳥倦
卧顛巢樹暗藏孤磬昇夫急得飯腳力疲轉迅欹側波攪
江殊有乘舟興簫簫吹參差石卵紛餌飣過橋投佛窟明
火照禪經五年宿城市未搆一榻勝彌勒今同龕知止獲

安定不辦風與水竟夕富包孕

竹林寺

鳩摩羅什今安棲草堂花卉積蒼溪巖嵌日鏡障雲幕可
惜天缺青玻璃野僧鋤園博飯喫不記開荒挂瓶錫鴻濛
關後復榛蕪疾雷破山裂長帛

太乙湫

太乙朝紫皇酬庸錫湯沐還宮觴百靈鑿池窖爲斛高揭
南斗杓斟酌元氣足晨霏結珠璣夕露縈羅縠經緯無端
倪消息有倚伏綵雲固上翔金風長內肅澄空渺思慮藉
縱絕塵目老龍垂渦涎噴霧泄陰谷山木古形骸委蛻皆

鱗族仰彼澤物心一雨活百穀神功不展手
照影自清淑
轉悲蓬萊水清淺變何速

翠華宮

蒼煙寒簾水壁黏疑是鼎湖龍垂髯坐聞清風轉
河漢參旗斗筐偃屋檐置身右相丹青處鳥識興亡相
告語縞衣使者誰遣來

雙白蝶大如盤
旋舞山門外

汗漫凌雲約輕舉

樓觀

末劫伏萬機何道補鯨剝歌鳳楚狂悲獲麟魯叟逝觀化
乘天倪全身庶救敝放蕩語安歸要在滅智慧南山雲蜿
蜒遠掉猶龍勢去周西適戎諒隕傷時淚說經誰築臺望

氣曾擁雪豹死寶其皮恐非隱霧義流風開無垠東漢資
爲治五千已費辭註腳不須系樓簷插河漢一覽盡蒼翠
南折更鬱蟠枯栢皆千歲靈壇招三光錯落星辰繫組綬
吾久拋青牛不回轡

終南山中寄問謝枚如約游華山未至

我無謝眺驚人句玉女峯頭怯獨步便思入海隨煙霧又
畏征塵犯風露七年簿領得暫閒六月闌闌難爲住咫尺
昂首城東南積雪皚皚生夏寒五臺之峯如五老勸屏人
事來幽探策杖往從青巖間駕牛騎鹿驂螭鸞麒麟劈脯
龍抉肝吐棄火食供霞餐不辨仙靈許何語顏色頗喜能

挂冠王母忽降白帝壇太乙發鑰開天關天關千年虎豹
守化爲巉石猶斑斑佳處非關捷徑多上有太古日月挂
煙蘿下有漢家陵寢埋荆莎侯王將相醒春夢百戰今是
誰山河遠見商鄧盤岷峨留侯辟穀苦不早綺季採芝身
亦老三山未遠待卧遊五嶽有緣先訪道東望蓮花插漢
開藕船須蕩天池回謝公木屐何時製報與終南消息來

零口鎮夜發

殘燈照旅壁落葉夜深聞風警驪山雨天淒華嶽雲神靈
應未妬遊侶況能文曉色臨渭水蒼涼馬首分

同年王舜臣

贊襄

留宿華州署齋夜談少華之勝

猿鶴志在山麋鹿性恆野世有麒麟植風不及牛馬衣冠
信桎梏況乃俳優假幽人識此意羈官役儒雅簿書烽火
餘枕旂煙巒下殘區勞補繕逸興託瀟灑頗聞屏騶從洞
壑凌紺閣賀子得名州酒杯笑同把道樞抉齒牙語奔脫
誤髀官舍類山居絲竹蟲聲寫夜籟忽沈寂階葉任風捲
破睡話巖棲添燈續餘爈

遊少華登甯山

昭宗昔駐蹕官觀高鬱盤我來自棲雲

唐昭宗棲雲樓故址卽今州署翹

首青嶺旣佳氣惜不王輦道荒層巒舊時梵王居龍象亦

已殘

甯山寺佛殿近燬於兵火

風湍何蕭寥霧磴何窅漫蕪絲網煙篠

遠近交檀樂平坡一以眺寒色秋正繁長紳曳天半方旒
綴雲端俯視狹州城萬井但蒼寒心知寄遊歷興廢理冥
歡卽事翻感昔凍雀悲紇干

循獮虎谷至蟠龍寺次日登麒麟山抵玉泉洞得詩
三首

東峰上蔽虧瘦削剋西景崖荒晝易陰嶂豁天始整昭曠
獲所求崎嶇力復併木末冒溪光石背翻人影緣奇杳端
倪出險歷俄頃風杉競眾妍霜葉翬獨靚蠱上高與攀履
二貞自省營魄戒擾紛繕性甘幽屏迴睇金壺峽半昏玉
女鏡獨秀峰一
名玉女峰虎嘯夕不聞萬緣挈師靜

暮壑納暝色委照傾堂隅拂衣山有影寄鉢僧無雜語少

動造極色夷能含腴退之交暢師導佛使歸儒世無彭澤

令安識惠遠徒

舜臣與寺僧性蓮爲方外交

飛鞋溯初祖

碑載唐禪師周鉢事架

閣新毘盧

毘盧閣新成

更壘桑公臺松石交支扶蟻穴漏雨氣

蝸壁黏苔屑幽宇亦深邃官吏少呵呼何年逼礦使麝麝

驚遁遁謀國在不擾析利非良圖使君務慈惠談道吾猶

粗

履虎幸不啞抱龍睡亦醒曉騎麒麟行仙雲護嶽頂天風

送清冷毛髮寒欲挺盤旋石疊窩蕭森竹連町黛綠補漏

天窾縫鳥出訶陰崖破霹靂陽采穿溟滓誰曾害玉泉守

此鍊金鼎測深危上歷汲短礙下洞內美孕靈秀外險拔
孤迴坐擁千歲苔歎賞一淪茗心貪溝脊奇足怯雲頭竝
由頭崖溝脊梁旁趨山勢尤險壯健不可追安得續吾脛

玉泉院憶丁卯六月初八夜與張叔建觀察宿此

白日不可留山行俄秋矣黃葉向人飛鳥聲識我喜脫身
世患外觀變元化始亭前無憂樹相對若佳士空青蕩水
氣紺碧入石理四壁黯流泉扁舟宛芳沚卻懷卧雲客妙
契餐霞旨戎旃曩從役連榻中夜起暑熱揭夏幙嗜膚蚊
集矢清風願早及關河睡同美當官不適意拂衣猶棄屣
秋水甚干卿白鷗緬萬里空潭浸涼月往跡追夢裏墮驢

歸此山余羨希夷子

娑羅坪

初聞流水響合沓起高峰
白日出蒼峽青天飛玉龍
仙人綵雲裏招手把芙蓉
欲覓菩提樹蓮臺深幾重

青柯坪

澗壑行及午迴視迷西東
奔泉鬪怪石晴雷轉虛空
左偃逼右俯小霍受大宮
周視列屏幄落帶加橫缸
眾險未軒豁初妍何鬱葱
青天覆圓蓋雨意蓄冥濛
雲氣欲突外日影不敢中
徑路雖隔闕理勢窮當通
摩崖鐫回心退轉非英雄
憂患輕餘生艱阻諒匪躬
思以訴真宰上焉迴蒼穹

誓不改初步槃邁庶有終

歷百丈崖出犁溝

化身爲醯雞俯仰天在甕何人試斧斤礪礪此斲弄爰立
黑海影飛插青冥動不知勢安極但覺根連踵詢知老君
溝猶隔媪神洞巨雷仰高懸單椒疑久壅雷擘百丈焦雲
死千年凍仄日避幽陰裊煙出罅縫螭鰐蛇脫節礪鴟鼠
鑿空外垂足二分上挽臂百痛氣息微再續目力黜無用
危崖忽掩合長繩急掣送翻矜濟勝具能免涉險恫秋聲
颯過橋蟲鳥氣始縱遠見神禹州圖成河洛貢清渭帶滎
迴中條趾錯綜暫憩亂松間坐受怪石供前峰益傲兀修

綬遙提控嶙嶙發新耜層層積寒淞霜稜起嶙峋山骨出
磨礱昔賢鍊泥丸絕境引仙輶凡軀未離垢靈跡輒警眾
闔闔望不屆風霆日相哄往追謝公豪恥作阮生慟先登
賈餘勇後勁繼隨從回溯所歷艱顛倒警夜夢

宿雲臺峰

金精運元氣日月相盪摩東北巔高臺切雲冠巍峩開牕
面石蓮欹枕流黃河雙鉤搭渭水束帶跣弓鞞翻罷老君
犁往挽魯陽戈頽崖急倒景新霜脫繁柯未騎茅龍去躡
足鬢已皓萬象肅我前一燈張秋荷半空響木葉青鳥或
夜過早晚丹邱子滅迹屯層阿

北峰曉起由閻王碕度蒼龍嶺至金鎖關

殘月隨冥茫曉色破牕幌門前一匹練合沓雲來往風掀

鱗鬣張宛見擎空上鬼力欲夾持仙氣紛飄蕩

出北峰半里許先至

仙人

閻羅亦讓路巨靈遙撫掌蜿蜒掉其尾呼喘泚有顙

旁渟巨瀆形曼引秋霆響安知舜禹前不受神姦罔巡狩

從夔龍木石潛蝸蝓委蛇儼紳帶扶翼餘欄楯眾巒忽收

束崇墉豁幽敞剝膚薛病斑奮爪松搔痒當關極磔硤避

寇昔倉攘

張逆竄陝所屬居民守關避亂

慘澹叩帝閭擁護排天仗聲化

阻舞干性命寄伏莽坦夷願始今顛危倏成襲自攀鐵鎖

來福地何蕭爽洗頭盆東傾就以挂吾杖

山中汚往東峰

溪流分兩派稍折玉井東常挾雷雨勢白日灑悲風轉自
細辛坪不見瀑懸空猶環星宿海絢爛翻青紅高揭北斗
柄元氣斟鴻濛種成十丈蓮花葉插龍莖飛行躡其罅卻
出崎危中遙知朝陽觀尙隔鎮嶽官長林窈以密側嶂孤
且雄架天作長橋飛來五綵虹崑欹絕磴歷竚窳幽樓通
遠見萬綠淨石瘦松愈豐畫寒蓄流水夜碧凝清鍾秋色
檐來赴眞賞嗟安窮

玉女宮

雲牕霧閣結玲瓏青鳥西飛紫氣東唾落珠璣天上雨步

搖環珮夜來風明星的皪無人摘落雁迴翔有路通會挾
羣真朝絳闕茫茫塵劫話沙蟲

登南峰

三峰皆磊砢揖讓東西升南峰獨正色懔懔肅無朋塵氛
掃鬼井殺氣森圭稜盤拏太古松其健摩秋鷹扶摘落明
星靈窟帝所憑絳宮昔觴宴諸峰列豆登玉女獻蓮花笑
以仙掌承巨靈遙斂手苔髮披鬚髻幽秘人不到秀霽天
常澄投書拒韓愈拄杖笑杜陵獨放謫仙狂酌酒天池能
猶恨乏佳句搔首輒撫膺我來攜謝眺青雲梯共登雙丸
弄日月烏兔挾飛昇長空度雁影萬里霜風凝揉碎河與

渭蛟龍寒可醫勝遊復我輩往蹟誰代興持以叩帝座咫尺聞天鷹

金天宮

拔地開宮闕垂天肅冕旒諸峰朝白帝萬古颯金秋紫氣翔華蓋黃河納細流下方經劫火土木漫貽羞

蓮花峰

晴空鼻游絲藕船踏欲徧石龜首忽昂天光動危顛下絡仙人足東粲玉女面煙條舉風葉向背色交綯太古種春雲蓬蓬出散箭嵌穴成蓮房宛向精廬見鳥聲破隙來樹影及昏斂巖腹青模糊銀釭閉冷豔香霧萬松深夜氣眾

峰變四更吐殘月寒咽鐘一片疏櫺半開扇華池靜吞巖
欣副靈窟棲前被泥滓賤

五雲峰贈謝明通道士

巖居自何年閱歲儼有道左右帶迴巒陰陽辨昏曉中處
三峯內高視五雲表靈草過澗香仙源入林窅餐勝久如
歸出世豈嫌早澹與親愛疏不識天地老俗情徇利名志
在妻孥保侈陳衛霍勳轉笑錢彭天所欲日有求未死神
先槁孤生甘蹇運冥往事幽眇岳蓮獻晚晴顏色助誰好
百籟逞秋聲萬木標金顯聰明回獨照耳目靜羣擾吾子
少淹留相期躡蓬島

卧龍庵

雲氣裏人衣欲墮蒼龍口松髯皆奮張鬱怒谷虛吼清簫
交遠聞諸色澹空有石扇暗中開山勢逼旁走一峰列小
屏四時拱東牖隙光入檐罅陽采輒陰受照壁木見枝埽
榻風擁帚丹房闔無人神龕靜自守頽崖蓄雨意涼蔭散
林藪誰能勵精修於此滌塵垢

仙掌崖

動靜分流峙鴻濛剖二儀先天成體魄大道誤駢枝樹影
穿雲出河身背日馳銅盤供漢武何似在山宜

下擦耳崖

撐天豎脊梁腰折尻未伏搦嶺互低昂
驀澗紛踏蹴陡落自天梯俯視陷地軸
巖嶢立黑影鵬鳥翼下覆側進試貼
身斜逼不容目誰於絕壑閒繫竅置
手足嚙衣動石齒刺刃穿巖腹詭狀
靡一端昔往今來復裂崖墮驚颺斷
棧跨枯木上森鬱旁沉中虛怖下觸
寂聽若有聲風簫雜泉筑故步猶可
循去徑未嫌複滅耳怯眾趨掉臂矜
我獨警焉葉翻飛繁響已山麓

別嶽

入險倏出險層層脫陰嶂山勢弓漸
張腳力弦亦放白雲挽不住翠壁背
相向紆迴溯所歷齟齬獲無恙一念
縈君

親攬鏡俄非壯覲顏冒邦牧北斗懸天上仰視謝攀援獨
立絕依傍未躋斯民康廛免當官謗嶽神鑒孤忠乞身垂
佑相於世寡歡娛此行恣跌宕我風塵俗蒙以煙霞餉
芻靚戀三宿軒爽豁千障猶含往復意蘊蓄秘密藏秦川
無留影秋日獻殊狀沈霞杳焉徂飛鳥高與抗靈氛宛致
辭咫尺通崑閬問我去何爲有母老待養不死會須來巖
棲他日儻

毛女峰

雌黿駕日出照耀丹崖裏雜樹時放花濛濛香霧起厯劫
閱幾秦盜道傳不死卷衣委輕塵鼓琴韻流水我往折松

枝叩壺許平視驪山骨已朽蓬萊渺方士窈窕美人雲萬
古猶處子歸將養元化丹成謝鄉里

希夷峽

開闢天地戶畫出兩儀對苞符不盡洩千載元局內拔立
插重霄星象懸珠玑竝吞日月影時發風雷欬豁豁杳靄
閒壑藏遺蛻在榛莽闢荒途見道未蒙昧古如堯舜年亦
有巢許輩大難況初夷餘生甘獨晦理窮治亂迹心識陰
陽態學仙縱非才著書竊猶逮吁嗟張益州聒耳笙歌隊
滅火究何功急流曷勇退涼飈卷雨氣散絲落驢背拂拭
華山雲半席請割愛

王猛臺

侍中王佐才初亦棲林巘苟無風雲會老向巖阿遜司馬
西入關仗節甘偃蹇斂兵灞水東規略不及遠捫蝨視若
無被褐棄之返天方康秦人魚水符繾綣控弦絕燕塞飲
馬馳蒲阪至今校將臺勢欲草木偃更將游嵩高叔建期
於仲冬
同游嵩山奮跡問轡畚夢兆非其時龍蛇蟄歲晚

華陰嶽廟

歲壬戌癸亥閒疊遭賊燬今大府治兵入關慨然
念金天所棲託略仿舊制集貲鳩材議創復焉董
是役者謂伐取附近山木節省勞費意甚便也工

以次舉因紀是詩

昔聞建武後秩望嚴廟饗飛椽接斗杓勢揖南峯仰黃圖
古邦畿白帝世精爽七十二分司川嶽配職掌官樹列錦
屏宸題煥金榜切運誰使然神祇亦蒙枉不知經秦

燼英靈蕩何往雞犬憶萬家拔宅歸懔懔周覽頽墻垣哀
響激蕭莽廢興會有極迹象求其髮艱難惜物力締構出
意想採幹髡巖巒范土器陶甌惟地不愛寶於神宜慨慷
告成可計日勞費非動帑豈圖兵火餘復覩祠宇儆典禮
願有徵輸將幸毋彊大府勵風俗崇祀昭脬蠶天札庶不
興人天識所嚮

兩廡向祀七十二峪今聞議撤將設請憑
名宦節義忠臣孝子木主分祀其中

再造功留備 巡方賞上對金天宮雲旂摩空盪

呂曼叔觀察留宿養園

飛雨來中條橫雲分太華截割百里青蓬萊起官舍飛甍
具遠勢雉堞相凌跨寒煙籠白日鬱鬱見桑柘人事有盛
衰過眼閱臺榭高開北海尊屬起東山謝水石養幽妍林
巒補漏罅位置必妥貼風標獨整暇顥氣領金商流景過
朱夏池荷宿露留水蓼秋光借知君眷夙歡期我稅逸駕
百壺嫌未痛不惜醉至夜

雙清齋次曼叔見贈原韻

呂侯煙霞侶跡我勤關白化晁過青柯張網獲墮鳥

君聞
余登

華勛侯吏相跡昨復連以書
來遣僕還余於青柯坪等處
翫燭談三峯風簾搖寸碧悵
從叔卿博未暖希夷席看君
蕭灑意印組薄懸腋欲通終
南肺往俯太行吞富貴安足
言五木等一擲投贈鏗雲璈
仙籟出肝膈鉅鑿混沌窅刻
畫巨靈迹雄放酒杯寬逼視
河漢仄想迴瑤池駕早證金
仙冊前身餐華腴妙語造超
特我昔役簿書肢體困攀壁
仰慕高鴻冥笑謝腐鼠嚇參
井手先捫武夷肩可拍相逢
三日飲藉散萬古積秦越儻
分襟關山戀秋色

馬自明軍門

德昭

招飲東山

靈區未疏鑿丁甲役鬼守神
斤斲山骨人境始天構丸泥

失關險刃血膏野鬪君來何遲暮荒蕪漸芟蹂遺愛說口
碑我官忝先後孟明佐秦霸廉頗用趙舊軍法藉習勞民
力助奔湊地與峭陵通氣分華嶽秀何期墮甌餘竟獲銜
杯就兵氣草木軒畫壁龍蛇走西賊不足吞名竝東山壽
出處各有役此會知難又

歸途經泉店李氏園廬

山村經亂後水石曠幽廬檀藥弄天影取適故有餘夕陽
返樵擔晚風閒道書所志荷澹泊旣讀亦可漁苦爲田舍
謀固篋防夜肱池沼幸未平臺榭已不居雲來自太華空
際識卷舒主人昨何往避地隨鷄鷄借問此修竹胡爲能

感余晚節保歲寒靡不樂有初

脩復杜子祠落成撫 武英殿衣冠像木泐石爲祀

祠在韋曲與牛頭寺鄰創明萬厯間遭回患祠燬
城南甲第聯華杜賸得幾家守環堵當時容飾盛衣冠幾
人廟祭毋荒寒數傳名姓忘誰某今古富貴浮雲看少陵
昔乏容膝安批鱗未久居朝班室家轉死在溝壑風塵顏
面眞等閒一生簡傲眾所棄嚴家兒郎獨解事浣花堂成
可人意丹青感觸趙王孫短衣戴笠追高寄欲從千里乞
樵搨未獲一龕奉位置勸農偶抵南山邊鹿迹中見桑麻
田承儒守官憶怨預襄輦支裔分樊川國家未搆安史禍

屋宇長祀開寶賢渡河鐵騎踏涇渭瓦礫飄蕩淒寒煙雙
槐忿作老龍怒風雨叫嘯山門懸廢墜不修守土懼突兀
數椽與枝梧異代猶同庾信居九原竊起隨會慕吁嗟稷
契身合用簪笏具頗怪松雪翁但寫煙霞趣使天留佐唐
中興豈復老依西節度北征一篇表忠悃同谷七歌早流
寓我吟南斗望京華去天尺五招魂住開軒面圃傍終南
西風日落秋氣酣如澗之酒足供獻野水汎助金杯涵神
來不須意慘愴談空近可參瞿曇

和枚如感秋八首

我家滄海上蒿艾未歸刪秋色深三輔蟲聲接百蠻涼颼

入北牖煮酒戀南山小住卽孤往蕭然合掩關

秋館

涼氣搖幽幌宵分忍獨看別憐故人語夢照幾家安四壁
客孤坐一枝花夜寒關山值蕭瑟紅燼剔休殘

秋燈

萬家霜夜飛憶遠減容輝孤夢懸雙杵重山暈四圍清風
被廣漠零露霑人衣試唱刀環曲流光到武威

秋月

倒挽銀漢落蹀躞不分蒹葭在中沚鷗鷺是同羣牛斗
自霄漢灑湘空暮雲余懷正飄泊一雁度橫汾

秋水

豈謂瑤華歇園林跡未陳有香幽更韻不語澹爲神秋色
宜高士暮雲來美人彌增蜂蝶戀未忍待來春

秋花

已醒漆園夢悠揚莫浪狂疏翻楓葉赤瘦到菊花黃冷徑

過殘雨餘霞明夕陽弄寒如有意池館點秋光

秋蝶

士有秋爲氣沈寥心與遭寒蟲工刻劃暮雨助蕭騷人倚
西風瘦天看落木高江山自清曠苦語未能豪

秋吟

移書勸佳寐老友識悲秋已逐月中雁不離江上舟蒼茫
千里外顛倒五更頭關塞向寥寂碧天無際流

秋夢

涇州牧林

發深

葦王母宮索題感昔年治軍回中山

事

昔登回中山西望朝那城蕃馬雜漢騎列帳何縱橫荒寒
飛廉館委與蓬科縈巡行視郊壘符節謬虛名簫鼓禱聖
媛青鳥集前楹雨枕瑤姬灑電壺玉女傾偃草借靈風

蠻感州民玉劍佩分景鳳鳥降元瓊指顧走羣嶽統攝歸
三清報饗追漢時捧觴溯周京西極忻以奠使者與有榮
請歌上之回土女助送迎

和聽庵期余少林寺同遊嵩山韻

阻關擁華終絕河限嵩少罷對陳搏奕思就劉根嘯蘿薜
理初衣葭葦託同調行騰報先具扶筇期竝眺五嶽三窮
探喜未雙腳掉非逢滄蕩人孰契隱淪妙奠極尊中區干
緯森眾曜清淑獨內涵端整忘外峭可師立雪處佛影石
鏡照峰巒相攢叢洞壑已深窅更盡二室幽滿發三花笑
箕顙今誰棲古有輕廊廟

聽菴還潼川舊廬用山谷過家上冢二詩韻

用舍一轆轤汲渾機罷運同抽圭組身先廬羨歸近嶽頂
雪深埋河流冬枯盡數載闕躬耕廢耜不入畛椎牛會田
舍慰勞雜鄰親襁褓索故衣看鏡發眾哂風塵甫洗濯餘
垢尙膩鬢收束射雕手掩口謝問陣謂積戎馬勞父老容
未信從茲溷傭保無忤到駘齷屈伸隨龍蛇無煩較銖寸
潼川莽浩浩上有大鳥壘牛羊勿踐履松柏盡抱拱徒勤
倚門親太夫人寄居都下歲時計修奉誓墓匪鳴高心動齟齬痛
呂梁舊遊地悔學懸流勇往來燕秦間宦海息呼沕吹毛
刀劍輕負鼎門戶重明德世所承馨香可歸供

炯甫循塞入關用前韻爲贈

後少棄前老衰盛乘年運干戈未死身握視與夢近嗽蔗
循及末世味已向盡胸中無瓜蔓荆榛任連吟往事且勿
陳此來寡嫺親萬木賸枯條禽鳥相嘲哂崢嶸賀蘭雪堆
白上飛鬢驚沙漂移山積雲壓成陣倏聞塞下險未目難
取信奇境閱衰翁傾聽駭童齒

炯甫述其途中所歷如此

履之若坦途

天游在方寸

咸陽穴纍纍何代卿相壘盜形狐工崇竊技鼠善拱傷彼
媚骨留愧曾厚廩奉於子賀得貧相逢飲須痛聞道晚見
功卻祿懦變勇星斗文字琢波濤杯面洵信知千鈞挽非

第十石重吾將採蘭芷歸裝贈清供

次聽菴韻再贈炯甫

老持手版不稱意還着頭巾歸去來骨月飄零行篋盡故
交遲暮酒樽閒雪中衰柳春前折塞上黃河夢裏迴正值
嶺梅花欲發離亭風笛漫相催

再疊山谷韻送炯甫歸閩竝題其岵雲樓集

綆短苦井深挈瓶寒獨運古人去我遠作者今猶近文章
道所寄精神不俱盡百家以聖學強事分域畛千秋接淵
源警效同堂親後世無子雲覆瓿任譏哂歲月能幾何繁
霜各沾鬢築臺向糟邱登壇整詩陣燈花報誰喜塞鴻有

歸信橘紅蠟肪白歲盤走筭亂此時慰君懷著書日盈寸
秋蓬日以飛常恐委疇壟啼鵑勸我返怪鷗作人拱正拚
生死別豈期言笑奉暖酒澆冷腸話舊增腹痛藏山各有
業浮海老能勇將由輪船可問回首望賀蘭雪挾黃沙洵多愁對
平子無恙慶季重拂拭幔亭雲溪毛備清供與炯甫聽菴
論文匝月